



7a.

Undelivered
Please return to:
The Editor
CHRISTIAN TANGKOU
ZPCS Office, Zomi Colony
Churachandpur - 795 128
P.O. Box - 48, Manipur, India
e-mail: zpcs@rediffmail.com/ zousynod05@gmail.com

Edited and Published by the Editor on behalf of the Zou Presbyterian Church Synod

A Monthly Christian Magazine

AN ORGAN OF THE ZOU PRESBYTERIAN CHURCH SYNOD




Khristian Tangkou

Vol. 51 || No. 3

March, 2015

HOSANNA MANGPA MIN A HING PEI KHU
HAMPHA TEI E IZAW!



Editor: Rev. Tualzachin

Khristian Tangkou

Vol. No. 51 || Issue No. 3 || March, 2015

Editorial Board

Editor : Rev. Tualzachin - 9862829526
 Joint Editor : Rev. Stephen Chinzathang
 - 9863042789
 ct_stephen@yahoo.com
 Cir. Manager : Upa Jamsianmung - 9862086615
 sianmung@rediffmail.com
 Bus. Manager : Kamgenpau - 8974612937
 Sye T. Ginzahau - 8974438842
 Cont. Editors : Upa S.K. Khama - 9856406454
 Rev. Awnkhankhup - 9862828921
 Rev. M.G. Nehlien - 09535042257
 Rev. Kaimuanlal - 9862923960

ZOU SYNOD ULIENTE

- **Moderator:**
Rev. P. C. Manga
- **Moderator Elect:**
Rev. Khupkhansuan
- **Secretary Sr.:**
Upa Ngulchinkham
- **Secretary Jr.:**
Upa T. C. Pau
- **Treasurer:**
Upa T. Lamkothawng
- **Statistician:**
Upa Sianzahau
- **Exe. Secretaries:**
Rev. Tualzachin
Rev. Stephen Chinzathang

Copies - 1100

AMAN

Kumkhat ah	- ₹	50.00
Post ah	- ₹	100.00
Copy khat ah	- ₹	6.50
Life Member Fee	- ₹	1,000.00
Patron Member Fee	- ₹	2,000.00
Memorial gift	- ₹	2,000.00

A sung thu

- Editorial..... 01
- Thu tuomtuom 02
- Palm Sunday Message..... 05
- Khamthei zua khu 10
- Ngaidan leh deidan khupna 16
- Laisim kitha pat kia va ui17
- Jesu i tulmaw uhi..... 21
- ZPWF Column 24

Thusuo zosie Editor leh Zou Synod ngaidan ahi kimsih a, a suotute'n maw a kipuoh chiet ding uhi.

Thusuo dingte Editor kung a pieh ding ahi.

PATRON MEMBER-TE

1. Upa Gouzamang	2. Pu Hav. Khamchinkhup	3. Pu Khamzalam	4. Pu Chinzasuan
5. Upa Liansuanpau	6. Pu Khamchinthang	7. Pu S.Dalthang	8. Upa Kapkhanthang
9. Upa Langginmang	10. Upa S. Nangkhanlal	11. Pu S. Lamkothang	12. Upa Dr. M. Lachinkhai
13. Upa Khamchinjam	14. (L) Upa D.K.Manlun	15. Upa Suankhanmang	16. (L) Upa Khupgou
17. Upa Chinkham	18. Upa Ngulchinkham	19. Rev. Retd. V.Vungzalian	20. Rev. Retd. Kamkhosoi
21. Rev. Tualzachin	22. Rev.(Rtd.) H. Nengzatun	23. Rev. Awnkhankhup	24. Rev. Hangpi Manlun
25. Pu Tuanzapau	26. (L) Rev. Ginchinjam	27. (L) Rev. Khamzasuan	28. Upa T. Lamkothawng
29. Pu Khaichinmang	30. Rev. Chinzathang	31. Pu Khupkhanmang	32. Pu Khaidohlian
33. Hav. Khamzahang	34. Pi Vungzanuam	35. Pu T. Gouzadou	36. Pu Liensuonkap
37. Pi Zelkhochiin	38. Pi Hatkhanvung	39. (L) Pi Ngaihoiching	40. Pi Mankhannieng
41. Pu Goukhanmang	42. Pi Chingzalam	43. Pu S. Thianzakhai	44. Pi Kamkhanching
45. Pu Haukhanpau	46. Pu Tuallianmang	47. (L) Pu Dongkap	48. (L) Pi Chingkhanmang
49. Pi Donkhonian	50. Upa Henzakhup	51. (L) Pu Saichinpau	52. Pu Goumang
53. (L) Upa Khamkhanhang	54. Shie Laangkhanlal	55. Pu Khamkhanlun	56. Upa L. Tualkhanpau
57. Upa Jamsianmung	58. Upa Ginzadong	59. Pu Kaizathang	60. Pi Goizanuom
61. Pi Thangneivah	62. Pu Khamzathang	63. Pi Donchin	64. Upa Liankhanmang
65. Pu Hauchinlun	66. Pu T. S. Lal	67. Pi Goichiin	68. Pu T. Khupchinthang
69. Upa T. Kaizalam	70. Pu Paul Henkholal	71. (L) Pu Soikham	72. Rev. P.C. Manga
73. Rev. Khamchinkhai	74. Rev. Jamlianpau	75. Rev. Chinzapau	76. Rev. Retd. Kamkhosam
77. (L) Upa Chinpu	78. Pu Zamkhanthang	79. Pu Chinglen	80. Miss Chinhaunieng
81. Upa P. K. Soia	82. Pu Goukhai	83. Pi Niangkhanmang	84. Evan. Retd. G.L. Joshya
85. Pi S. Chingkhanmang	86. Pu Vumchinkhup	87. Upa Khaihenthang	88. Upa T. C. Pau
89. Upa Nengchinkap	90. (L) Upa Jamkhongam	91. Upa HT Manga	92. Mrs. Vahkholhing
93. Pu Haukhanpau	94. Pi Chinnu	95. Pu T. Kuppa	96. (L)Upa T. Gougin
97. Pu Ginsuanhau	98. Pu L. Langminthang	99. Rev. David K.Samte	100. Upa T.S.K. Samte
101. Upa S.K. Khama	102. Pu Jamkhopao	103. Pu Thathang Taihul	104. Pu Kamkhanpau
105. Bhim Prasad	106. Rev. M. Kapsuanthang	107. Nu Chingneikim	108. Rev. Khupkhansuan
109. Pi Mannuamching	110. Rev. Kaimuanlal	111. Upa Nengkhanlian	112. Nh. Deborah Zou
113. Pu Kamgenpau	114. Rev. Mangsuanthang	115. Pu Lamchinhou	116. Upa Pauchinlel
117. Kimneihoi	118. Nh. Nangsuanuam	119. Nu Ngaikhanvung	120. P. Sanjiv Zou

LIFE MEMBER-TE

01. (L) Upa T. Khupkhenpau	02. (L) Pu M. Ginzahau	03. Pu Selzapau
04. Pu L.C. Pautungnung	05. (L) Pi Khamkhanneing	06. Pi Ngaiuom
07. Pu Chinsuanthang	08. Pu Shanti Kumar	09. Pu Kamkhohau
10. (L) Pu Khamkhohau	11. Upa Khamzathang	12. Upa Chinkhanthang
13. Pu Tongzathang	14. Pi Chiinneilam	15. Upa Kulthang

ZPWF COLUMN

30 Jan - 4 March, 2015 Tunnu Limbel a panpina hing pe te

1. Nu T. Chiinneikim, Lailamveng	Rs.	3,000
2. Nu Chinglianchiin, Delhi	Rs.	1,000
3. Nu Ruth Niangkhangching, Delhi	Rs.	2,500
4. Pa Hauliankap, Delhi	Rs.	1,000
5. 9th Mission Conference tholawm	Rs.	3,010
6. Nu Lamneikim, Behiangiang	Rs.	100
7. Mrs. Flora Hatnu, U. K.	Rs.	45,000
8. Emanuel & John boi, Zomi Colony	Rs.	200
9. Mosi Prayer Team, Lailamveng	Rs.	100
10. PWF Zomi Colony Anntang tang	Kgs.	240
11. Nu Dimkhochiin Tunu kumthum chinna kipahna silpie	Rs.	100
12. Nu Chingngaikim, Zomi Colony tanu melhoitah nei zieh a kipah thugenna	Rs.	100
13. Nh. Esther Neiching, Central	Rs.	200
14. Ruthi Mandeiching, Air Hosta Cabin Crew Training 1st Stipend Hyderabad	Rs.	8,710
15. Zomi Colony, PWF Anntang Kgs	Kgs.	65
16. Upa Jamsianmung & Family, Anntang	Kgs.	50
17. PWF LDCC Hiangzou Anntang	Kgs.	70
18. Pa Khamchinsuan, Buhsau Biscuit Packet - 2		
19. T. Thangminlian s/o Paupi - Dimapur Assam Rifle Training in Tuunnu Limbel phungvuona dingin 1st 1/2 Pay Rs. 10,000 ang pieh ziehin lungdam a kipahtu	tut na.	
20. Nu Haukhoching te innkuon = Toka - 7, Jacket - 5, Puanah lum - 15 Puonah - 25, Musler - 3		

Editorial

A masa'n kum 2015 Ha thum tan a guolzou a hing pui galkai
I Mangpa Jesu min toh chibai.

Leitung ah guolzou hina lam chi tuomtuom a atam hi. Football,
Hockey, Beauty Contest, Cricket, Boxing leh a dangdang.
Tuabang a guolzou ten, kipahna husa toh a awng zuazua uhi. I
Mangpa Jesu Khrist guolzawna zong Jerusalem zuon a pei lai
in, Sabiltung nou lahnailou tung a atuong in a nung leh amai a
peiten Hossana, chi in guolzou in tumna tawi kawm leh apeina
ding apuon pha in kikou zuazua uhi. Tuabang a guolzou hina
dingin, thumnate, thuohzawnate, kingainiemnate, kituohnate,
siengthounate apoimaw hi. Jerusalem Biehinnpai zong asusieng
chi imu uhi.

Tuabang a guolzou phet, Jesu hasatnate, bawlsietnate, mudanate
in, Juda lamkai te apat in a umpi a, Kross a kilden dingin nitam
lou nung in matsah in a um hi. Khross a kilden ding a aumlai in
agei a migilou khat in hundamna anga hi. Tuabang in, mikhielte
a dingin Jesu shina in, nang a ding ahiei na innsung mi, nalawm,
na guol a ding in hundamna hun hithei ahi.

Tualeh nang leh kei a dingin nithumni a thoukia nang leh kei
hinna ding shina apat in thokiana ma hing kaisah in a thoukia tahi.

Tam leitung etdan in I Mangpa guolzawna, shinate, thokianate
guollelna asuoh hi. Hinanleh zong gingtu nang leh kei a ding
in shina guolzou a Van mun thupi tah a, guolzou a ilenna ding
lam hing lahtu ahi.

THU TUOMTUOM leh Thumpi dingte:

01. Theilou kal in Pasian nna isepnate uh Pasian umpina leh kepbitna toh March haa tan chieng hing mapuitu Mangpa min loup i phat masa uhi.
02. Thumsahna: Pasian gualzawl na tang tou zel in tukum i khanglaite Class-X & XII Board a exam pete a ding in ana thum zing vaui. Tualeh outside Manipur a siemzilte adieh a sepna nei (Service) te adin zong thu nget pieh vaui. I deipen ahileh ama uh ten zong Pasian theikawma ang gasuo theina ding un.
03. Tukum ineh suina iloumate, i sum suinate, Pasian hoina zal a atamzaw sem ang gasuo theina ding in thumna toh pang in ama uh te din lamzanna, chidamnate ngetpieh vaui.
04. Zou Synod Year Planner umsa bang in Local chin a Hattuumte ni poimaw te Pasian guolzawl na tangkawm in anuom thei pen leh amanpha thei pen a Pasian hagau pawl na toh zang chiet ding in ikingen uhi. Hattuum leh mimal chin in thumna toh ana bawzui chiet vaui.
 - 1) Palm Sunday - March 29, 2015
 - 2) Good Friday - April 03, 2015
 - 3) Easter Sunday - April 05, 2015
05. Damlou vehna: Hospital mun tuomtuom a damna ngai a kien kaw (Hospitalized) te adin nichin hunchin in thum zing va ui.

abawl sieng ding” chi masa vangin, tua ban ah” Ama khu a muonhuoi hi ka chi zel ding a, gingu tamtah Khristian hinkhuo zang hiding in ka gingta hi. Abailam suite ihi uhi, mawle!

Abangteng hitaleh hun mandan dingte guotfel a hun man anuom a, tuaban ah a dan zui siem anop a, tuabang vaiguon manna ah Hagau mapuina akilang zel hi. Tukum 2015 vaiguon khu anuoi a bang hileh anop a mang kha ihi chiet ding uhi (Eph. 4:24-32).

Chang/Verses

- 24 - Mihing hinkhuo siemtha ding
- 23 - Thutah a kihou ding
- 26 - Hamzah hoi ding
- 27 - Lungsim zah ding dan
- 28 - Khut a nasep ding
- 29 - Thuhoi mai gen ding
- 30 - Hagau siengthou kipahsah ding
- 31 - Mihinglui koimang ding
- 32 - Kilungsiet tuoh ding

Khovel leh asunga sil umte ingai utnate uah, koipou in i innkuon sung chiet uah banglam banglam ah ivei chiet ding uhi. Tualeh khu tu kumtha a isuhbei ding ua i ngaituo ding uh ahi. Kum 2015 sunga isep maban sutzom ding tampite a um tham ding a tamte zong ipelthei sih uhi. Hinanleh Pasian mapuina khu itulmaw pen uhi. I bawl taphotma khu agam uh adihtatna i koi masah phot a ahileh na kinepna leh natupna sanga sangzaw in Mangpa’n ang tawisang ding a innsung leh mimal hasatna Mangpa khut a ikoi ngam ding uhi “DL Mody in Bible in suol apat ang khen ding a suol in Bible apat ang khen ding hi” achi hi.

Tuaziehin, kum 2015 sunga ding in Mangpa khu amuonhuoi a, Mangpa ka tunga nahoi nate ziehin ka kipah hi chiin lungdam thu itut ding ua, Pasian khut ah iki ap ding uhi.

Mangpa’n a thu guolzawlta hen.

Khovel thupinaten hing tuom vazung nanleh khovel mandan siem mipil misiem leh feltah hinanlechin ginna a hangsan nahi sih leh mihangsan nahi na dingin Jesu na tulmaw dan nang thei ding hi. Tuachieng in “Bangchi leh tam suol hintah khu Pasion tungah ka bawl thei diei? (Late 39:9) chi zel thei lei ahoi hi”. University a President minthang khat in University degree teng sangin Bible thei ka telzaw hi” achi hi. Hamsatna leh buoinate kaal ah Jesu khu itulmaw uhi:

- Mangpa Pasion tellou in bangma a dih leh ahoi a kingahna ding a um thei sih hi. “Mangpa’n inn a lam sih leh alamte a thamang bep uhi” achi hi (Late 127:1).

- Khovel a Lalna leh thuneinate khu mihingte a chilou dan Bible in anghil hi. Nebukkadnezzar hilchien ah aki chien hi. Mihingte Lalna tunglam ah thu anei a, adeisahte apie hi (Sam 4:17).

- Khovel galthuom hoite kingah ngamna dingin a ching zou sih hi. A siem apilte muon bangin a ginhuoi zaw hi. Khenkhat in kangtalai te amuong ua, kei vang in Mangpa ka Pasion min ka suong ding achi hi (Late 20:7).

- Khovel a sil thupite, mithupite zong lungdam hun chimaw hun aneitham ding uhi. Humpi bahkai lumlaite zong gilkiel in a um zel uhi. Mangpa nna semte khu silhoi a tasam ngai sih ding uhi.

- Khovel hausatna khu kingahna chinglou chi Mangpa Jesun anghil hi. Mihausa mimawpa tehkhin thu (Luk 12:13,21).

Kumtha 2015 a i umdan ding Mangpa tungah nga in Ama muong in tuachiin Aman hing panpi va. (Late 37:5) Kumtha a thupi ding in na mang utna diei? Ahisih leh bang lam ah bang nachi diei? Bible tang hoi leh theinop a mandan hasa diei Bible gel a pang hileng “Aman

06. Ei Manipur sung leh Manipur polam (outside Manipur) a siemna tuomtuom zilte leh sepna nei (Service) te a din ana thum zing vaui. Tukum mai hilou a, tu leh tu nung chienga Hattuumte kingahna khuom leh ban ang hitheina ding un ama uh te dingin ilup, ithaw in bang hun ah zong ana thum chiet va ui.
07. Kumtha meel imu uh toh kiton in Zou Synod Office a sem Executive Secretaries te leh asepkhawmpi uh mawpuohna tuomtuom neite leh biel a semte a din innsung chidamna, kipiehzawna leh ana sep ua lunglutna te nget pieh vaui. Tuamai hilou in ama uh hitheina bang zel ua neite a ding a guoljawlna tuntun ang hithe chiet na ding un thum in! Ama uh te gensiet sangin itna toh ana thumpi lei lukhong nei pen ding hi.
08. Local Seminar Report: Pasion hoina leh umpi na zal Presbyterian Church Zomi Colony LCC thuphassah umsa bang in tuolsung (Local) Seminar apeisa February 28, 2015 niin nei ahia, lohtah leh khela tah a zaw ahi tahi.

Topic

Resource person

- | | |
|-------------------------------|--------------------------------------|
| 1. Account maintenance | : Upa M. Kamzadou, Local Secretary |
| 2. Worship Service & Displine | : Rev. Khamchinkhai, Biel Pastor |
| 3. Discusion & Practical | : Upa Jamsianmung, Head Clerk (ZPCS) |

09. Pasian hoina leh mapuina muong kawm in Bible Society of India (BSI) tungtawn in Zou Holy Bible Translation Committee (ZHBTC) min leh aii awh in Revd. Tualzachin Senior Executive Secretary (ZPCS) leh Revd. Hangminthang Bishop (MELC) te Holy Bible Proof Reading bawl ding leh sun (print) ding in Shillong Laitumkharah ah haa bangzat ahei? va um ding uhi. Khum hun sungteng amauh te ding in lamzanna, chidamna leh khentel theina pilna, leh a innsung mite a din zong inichin hinkhuo te ah bang hun ah zong ana thum zing vau. A Hattuum, ami siengthoute thumna in gaa hing suo ding ahi chi lametna (hope) lienpi toh ana ngah zing vau.
10. Bangalore mun a Zomi Namni man zou February 21, 2015 niin Pu Ginsuanhau 60 Singngat A/C in ZPC Bangalore lamkaite toh Pastor Quarter mun ah Singpi donkhawmna nei uhi. Pu. G. S. Haupu in tambang a ami, asa ZPC te avena tung ah aza kha taphot kipah thei mama uhi. Bieltu Pastor Rev. Jonathan Nehlian in Pu Ginsuanhau thumsahna zong nei hi. Tualeh Bangalore ZPC ten zong Zomi Namni in Zou Identify pulahna nei in Cultural dance zong bawl uh chi thu kiza hi.
11. **Lungdampina:** Cabin Crew - Graduate level Miss Ruth Mandeikim d/o Upa Chinkhanthang Tuibuang in Vijay wara Heyderabad ah Air Hosta Cabin crew Training stipend lah a Rs. 8,710/- Tuunnu limbel phuongvuona ding a ang pieh ziehin tambang khanglai nungah inei man in i Tangkou tungtawn in kipah thu leh deisahna thu igen uhi.

.....

JESU ITUL MAW UHI (LATE 127:1)



- Upa Khupsuankham
Contributing Editor

Kum 2015 a ikinepna leh i kingahnate leh inu, ipate, ipasal leh i zite, isanggamte, ilawm, iguolte, isiem ipilnate, isum leh ipate, ikhuo leh i Hattuumte, ipi leh ipute i inn leh i loute leh a dangdangte ahi.

Late 90:12na ah, i damsung hun khu meilum kai a thengpai zuoi tawbang ahi achi hi. Khovel peidan i etleh bawldan chituomtuom aum zel a, tuate khun ilungsim alamang zel hi. Tam silte khu Pasian hing neisah ahisih leh bangmalou ahi zel hi.

Khovel peidan i etleh bawl dan chi tuomtuom a um zel a, tuate khun ilungsim alamang zel hi. Tami silte khu Pasian hing neisah ahisih leh bang malou ahi zel hi. Khovel umdante khu sum ngainatna, thunei utna, numei leh Pasal kikaal thute ahi zel a, tamte khu (Sex) Pasian hingpia ahia, amandan dihtah a iman leh Pasian pahtawina ahia, khovel in ginna a mihangsante atulmaw zel hi. Bangkim Pasian min a itaan ngam uh apoimaw a, Pasian mai ah kinem vai (Late 73:25). Van ah nanglou

koi ahei ka nei ding lei ah nang loungal ka dei koima a um sih achi hi. December 25, 2009 Khristmass pini in Karnataka state Mandya District Hospital a staff nurse te lah a Khristian khat in damloute Khristmas amanpi leh asepnah khawlsah (suspend) in um law hi, tammi thu in Pasian min a khovel nna isepnate taan ngap khop a Mang nna isep ding uh achi ang zilkhesah hi. Huntha, nitha, kumtha in bangkim hing puoh nanleh Pasian sanga tulzaw leh thupi bangma dang anei tuom sih hi. Pasian theisiem ding in Hagau siengthou in lungsim kot hing honsah leh a deihuoi pen hi. Tu Kumtha 2015 ah Pasian toh kipawl na nei tam ding in ngen vai. Thum manlou zen a ka buoi ichi gige kalsie khu i hun mansiem lou zieh ahi zaw hi.

- chi theichien masa jel in.
- Heisung zuona pei a hi chi jong ngaituo in.
- A tunna ding (destine) a tun chiengleh bang suoh ding ahi chi mu masa'n. Tua hileh Innsung kholai vantaang, Mi khat photphot (dialogue) na houpi te toh kikal ah buoina um ngai lou ding ahi.
- Na ki houpi nu/pa'n nang khu, a lungsimin bangchibang mi hiin ang ngaituo ei? Chi thei chien bou aw! Khuchi sih leh, ama tup dan leh ngaidan loup khatin va motham kha va chin, mimaw nang chi kha va.
- Mi khat pouin na maia houlim bawla thu a gen chiengleh, a gennuom pen bang a hi chi thei louin a kim valaiah, bawsan piehin vatsan ngai sio! Khuchileh dawng khiel ngai sih vachin, thudoh lawm nang chi taa ven.
- Mi ama kam ngeia bangchibang mi ahi chi kithei a hi hi.

LAMKAI PICHINGLOU
TE'N:

- A etkol dinga kipie mite toh a kimu chiengleh, a mipite leh, asunga nasem mite dinmun sui (study) bawl masa louin, ama hina bang toh peipi a sawm jel ua, ama tahsa umlouin, a chiindan mituom kungah genin, midang jong tua mabangin a bawl a, ama'n sil hoi, dihna thute Pasian thu banga pom in gen vatvat in mite'n angai thei sih uhi.
 - Ama toh kisai nailou, Security silte ah jong gamgi a nei sih ua, bangkim ama ngaidan a siem hoi thei ding ama? A chi jel uhi.
- KA THUPIL ZAH NGAI KHAT
- Na etkol ding mite lam na zot chiengleh nangma hina tengteng koikhie masa'n len, amau zie bang a hi chi thei sawm masa teitei in. Na lamkaina lampiah, namit khu Tria Angle mitin suonin.

PALM SUNDAY MESSAGE

- Rev. Jonathan Nehlien

Bible sung i et chiengin genlawhna(prophecy) tamtah auma tualeh tambang genlawhnate tamtah ana tangtung ta hi. Atang tung nailou tang tung zel ding zong aum nalai hi. Tua atangtungte laha khat ahileh I Mangpa sabiltungnou tunga tuonga Jerusalem khopi sung alut ding thu ahi. Tuapen Guolnei Zechariah in ana genlawhna ahi hi. Tuamaihilouin I Mangpa Jesu dangka sawmthum a akizua ding(Zech.xi:xii)leh ang peikia na ding(second coming) tanpha zong ana gen hi. Palm Sunday khu

“HOSANNA” chia lamlien dung leh vaia kikouna ni mai ahisia gingtu Khristiante a dinga manghil thei guol lou ni ahi. Aziehpén I Mangpa eite dinga kithoina sillat banga akipieh khiet ni ahi. Tamni chiengin jingkal phalvah masangin alien aneu thouin munchin gamchin ah hosanna chia ki kou aw zah ding thawm ngai mama hi. Tuachin i lungsim phawng in ngaituona thuutah hing pe thei khat ahiman in hoi mama hi. Hinanleh Hosanna chia kikouna tan ah Palm Sunday bei i sah khah ding zauhuoi hi. I text apat in point 4 vel houlim zuoi vai:-

1. I Mangpa Jesu pen Silzousie musuohtu Pasian ahi.(v.2)

Jerusalem khopi alut masangin I Mangpa Jesu Olive muol a Bethphage khuo atung chi imu hi. Tuana patsa'n Jerusalem khopi sunga sil umte amu suoh thei hi chi a kilang hi. “...va pei unlen sabiltung kikhi akunga anou toh na mu ding uh...” achi hi. Sil zousie musuoh, theisuoh, munchina um Pasian ahina tamnah akilang thei hi. Tulai gingtu tamtahte'n aguuh guuh in sil i bawl

ua Pasian in hing mu sih va chi in mielnuoi leh koima umlouna munte ah ut ut bawl in i gamta zel uhi. Hinanleh Pasian a dingin su'n leh za'n kibang, miel leh va'h kibang ahi chi thei hun ta hi. Tuipi thuuhpen ah va lut nanlei tuanah Pasian aum a, tuipi gaal lam tung nanlei tuanah Pasian ana um veve hi. Koima umlouna leh mite mulouna miel munte a i gamtat dan in Khristian gingu hoi leh ginum ihi leh hilou a tahlang hi. I gamtat dante uh enpha va ui.

2. I Mangpa Jerusalem khopi alut nia mipite pan lah dan thupi hi.(v.7,8) Mipite silbawl ahileh:-

- (a) I Mangpa tuonna ding sabiltung tungah puon apha uhi.
- (b) I Mangpa peina ding lampi ah apuonte uh apha uhi.
- (c) I Mangpa peina ding lampi ah singbawhte sat in apha uhi. Khatvei

inntuon(house visit) a ka peileh munkhat ah Hindi film ana en ua, tawpning chi tuonlouin aet ngeiin aen ua kei zong nop salouin ka pawtsan tahi. "Koi khu bang et nop laitaha tawp dila?" chi ngei chu hiva uh. Tunia ka gen ut ahileh I Mangpa Jesu na inn a hing kholai vah ding hitaleh na Hindi film et ngei in na en diei? Tua na toudan/ umdan pangeiin na um den diei? Pasian nasem leh a Siempi (Pastorte) zatatlou mihing nang in bang chi in Jesu ka jatat hi na chi thei diei? Ka neulai ka pientha masang apat Hindi film hileh English film hileh cinema et hat vawt ka na hi hi. Hinanleh ka pientha nuoin ka tawpsan tahi. Film zousie asie i china hilouin Khristian film missionaryte tanchin hoitah tah um hi. Aziehpén cinema et apat kisiem hoi chi koima ka thei kha nai sih hi. Cinema apat koiman sil-hoi zilkhe ngeilouin

umzie nei tah a simin. Khuchibang jela na jongsah thei chiengleh lai sim louin na um thei nawn sih ding hi.

II: LAI NA SIM CHIENGLEH:

- A bu min en masa lachin a sunga thu umte ngatnalam ang theisah pai ding hi.
- Asunga thu umte (Content) en kia lachin, nang thei thuhsim pan ta ding hi.
- Na sim nuom na laitah phetinlen, Thupi leh bameng nei laibu ahileh a ban banin en khe suhsuh in.
- A bung bula patin ataangpite thei sawm masa'n.
- Atawpna penah thei sawma nalungsim tengteng seplut leh, sip taha nangsime pat chiengleh na gensawnthei sih jongin, atheia theina lamah ngaituo um mihing na hi nawn sih ding hi.

III: LAIBUDEI MI HISAWM VAI

- Laibu toh louin, kithuhilna um theilou. Midang thugente ki kem kuitung theilouin, Laibu toh hileh, i mangngil kha ta jongin I nua et kia thei hi. Laibu duotin deithaw bawl va ui.
- High School, College leh kisinsahna mun tuomtuom asim joulou ding I hi manin I touna muna School kai theina lampi umsun ahia, Laibu dei leh ngaina Zou Synod neia lamkai hi sawm va ui.
- Laibu khu nam tampi a um a; tuateng lahab a diehin Bible, PCI Danbu, Hattuum khuttawibu, Nupa tungtang bu, Seminar bu etc te I gen nop pi pen a hia, a dangte vang eima hitheina bang ahiding hi.

T H U P O I M A W
K H E N K H A T C H I E M T E
V A I
T H U K H A T P O U P O U
N A G E N D I N G
C H I E N G L E H:
· Ang kipatna heisung ahi

I: LAI SIM DAN DING

- * Lai nasimding chiengleh, Lai sim poimaw dan leh manphat dan leh phattuom dan leh lai sim lou a um khu sil khawh a hi dan ngaituo masa in.
- * Thu theina panglou hinkhuo leh theina toh pang loua mite pui theiguol ahi loudan thuuh tahir ngaituo masa kia in. Tuat'e'n lai sim nopna lungsim ang guon thei giap ding hi.
- * Pawngpo sim ding a hi siha; theinopna lungsim nei sawm in. Na sim sungin lungsim dang gel sinlen, nalai simah na lungsim teng bungkhie'n.
- * Na laibu simsawm thutup taangpi thei sawm masa'n.
- * Na nichin Nasep poimawte laha khatin zeptel zing in.
- * Phamsa, Pu T. Gougin in: "Ni khatin English Word

teng thum thei lachin, Kumtawp chieng leh deiguotin Sap Ham na ham thei ta ding hi" a na chi hi.

Ni khat sungin lai sim hun ding Minute sawmthum guot zingin, sim lachin kum khat sunga dahkal 8,760 vel um laha na lai sim hun gawmkhawm khu dahkal 182.30 ang ching ding a, puihuoina thu ah na buoi nawn himhim sih ding hi.

Dr. Nara-more ki chipan "Tawmnou sima, tampi thei theina thuguh hichin a na gen hi:

- Lai sim hun nei thei na dingin hunbi siem a ngai hi.
- Khum hunbisungah jong kalkhat sunga Ni Sagite khu thupi tuomtuom akhen sawn ding
- Chintaah huoi khamching ding hi louin, Laibu thum bang na sim nuom leh, Minute 10 chiet mai mai

a goondate(a badte) gamtatdan leh gitlounate chiing ut zaw ua, numei guohtang aumte, numei pawngsuolnate mi'n en ut zaw in tuaten a entute lungsim thuzaw nuom mama hi. Hattuom sungah lamkaite mai hilouin mipite role poimaw mama a mipite'n i role uh i thei uh poimaw hi. Mipite role khu sawm-a-khat silpieh lama nasataha pan lah, lamkaite kithuopi tawntung, aseping uh bawlsah zel a buoi sah zing,... chite ahi.

3. Tup leh ngiim kichientah neia I Mangpa Jerusalem khopi sung lut ahi. (v.12,14)

I Mangpa Jesu'n innmun(plot) neilou hi, jaanglou zong neilou hi. Mi tamtah ngaidan ah Juda tangval vahthap maimai dan in angaituo ding uhi. Tualeh bawl ding atheilouman a zawnva hikawilou hi. Tupna kichientah nei a van apat hing kumsuh a Jerusalem

khopi sung a zong bawl ding neia lut ahi hi. Khopi sung alut in tamte abawl hi:-

- (a) Biehinn a van leite leh van zuote a deldoh hi.
- (b) Sumheng mite leh vapal zuote tounate akhule pieh hi.
- (b) Mittote leh kengbaite adamsah hi.

Tulai Khristian gingu ki chi tamtah te'n Pasian biehin sung jatatna neilou i suhbuoh dante uh lungsim ah ang kilang sah hi. Nidanglaiin Biehin sungah koima kihou husa zah ding avang mama hi. Gen ding poimaw neite'n Biehin sunga aloutheilou ahileh agen utnapa/nu va naiin abil hawm ah awl in gen zel uhi. Tulaiin ahileh Biehin sung ah awl a kihou mu ding va'ng mama ta in ka thei hi. Gen gawpgawp, ham gawp gawp chite akiha chiin mama tahi. Tuamai hilouin kuva, zalda, nehthei

chi tuom tuom kinehna
Biehinn sungah mu ding
um zel hi. Pasian giinna
neng khat zong neiloua
zukam namsa biehnin sung
lut bang ki ngamla hi.
Tambanga ium chiengin
Pasian thupina kilang
theilou hi.

4. I Mangpa kingainiem tahn sabiltung nou tungah tou hi:

Kingainiemna hinkhuo
hi Khristian gingtu
tamtahte'n azaw lou sil
khat ahi. Tulai khang
mite'n kingainiemna
pen mibahlouna daan
khat in a ngaituo ta
uhi. Aziehpén khawvel
gumnawna ngen a akidim
tah zieh himaithei hi. Mi
khenkhat akingainiem
utlouna zieh uh ahileh
dachie kingainiem leng
hing ki simmaw deu deu
va china ziehin Khristian
gingtu tamtah kingainiem
malah in gum deudeu
uhi. Sabiltung khu van
paw ding chilou koiman

bangma ding chilou hi.
Sa namsie kidahhuoi ahi.
Hinanleh Mangpa Jesu
atunga atuon ziehin aman
zong patawina zousie leh
thupina zousie atang hi
chi imu hi. Jesu loupina
ding leh thupina ding na
isep phot in khu eima zong
tawisangin ium zel ding
ahi. I silbawl I nasepte
enphain ama minsesahthei
naseppouma paimang
in Jesu loupina dingin
hinkhuo mang ta lei chi
dan ihi.

Hattuum dinsan te laha
khat ahileh Hattuum sunga
sil kibawl pouma tungtawn
a Pasian in loupina leh
thupina atan ding khu ahi.
Pasian sawm-a-khat pelou,
Biehinn kaipeilouna,
thumngaplouna, suonlam
ding nei gigena ten Pasian
thupina pe theilou hi.
Khamthei julehsa ne a
mahni ki iitna chaang zong
theilou khop a, sienthouna
ngaipoimaw loua ut
dan dan a vohpi banga

LAISIM KITHA PAT KIA VA UI

- By: Upa T. Langkhanmang,
Presbyterian Hattuum, Tuining

“Laisim kitha pat” chi umzie khu, lai khu na simsim thou malei,
Laisim a poimaw dan ngaituo kha ngai vateh lou bang hi a bailama,
a tha jel a ngaituo in eima leh midangte chawmna chingin sim vai
chi nopna a hi ding hi. Laibu dang dangte vang eima chiet hithei
leh lemtanna bang hi taleh; a diehin Pasian lam thu Bu te, Hattuum
Danbu mite puihuoi theina dinga phattuum thei laibu poimawte I
gen nopna ahi hi.

Lai vang I na sim ngut a; hinanleh
midangte chawmna a na ching
lou thei mawh hi: En vai!
“Khum Laizuol khu, lain ka ne
leh,
ka kamah khuoizu bangin a
hum a,
ka gilah, a kha hi” Thup.10:10.

A mawl leh tom thei penin,
I laisim khu umzie nei leh
phattuompi thei ngei dinga
tupna nei taha sima, haizana
hinpi a, mi dangte mop sawn
ding khu Insung leh khotaang,
Hattuummite dinga lampi hoitah
a suo thei na dingin I lai simin
eima ki zousah ding china a hi hi.

Lai sim lou leh, experience um

louna lamkaina dawkan neia um
miten puitu hoi leh zui thei ding
mi a sui sui uhi. Silbangkim khu
ama Dan banga bawl lou miin,
atupmun a tun zou ngai sih a;
tuajiehin lai khu a simdan leh
phatuom taha sim dante leh, lai
tawmnou sima tampi thei theina
lampi phabep I tahlang ding uhi.

Lai simdan theisiem lou mi'n,
sim ngap huoi sih; kasimsunjong
thei thei sing; jong chiemte
theising; eibang mimawl,
bangtoh belap sing etc te chi a,
paulap suimi etkolna dawkan
neia tou, Insungmite leh ama
enton mite a dinga beidon huoi
ma ma thu a hia, ama nuazuitute
banga chi tadiei?

NGAIDAN LEH DEIDAN KUPNA

- Upa Nengzachin
Muollum, P/Church

Amasa'n hichi chieng tana hing puipa I Pasian min iphat masa uhi.

Pu Editor ka lungsim a ka puohnat thu khat hing dong vang. Nang leh mipiten bang ngaidan na nei uoi?

Kumni kumthum apeita a, I Nipi Sekul hilchien bu a hing kibawl chiengin I Bible King James Vertson (KJV) pen ijang ua, izah uh ahichieng in chi'n mipi ten lei dingin asui ua, lah kimu zoulou, kho khat ah bu 8, bu 9 khel kizang lou atamzawten sut masah pen ma kijang, hilchien bu toh gendan kibang nanleh a thuteng atuom a, kumtawp exam ibawl chieng un I Bible zah uh gendan kibanglou, thuteng kibanglou ahiman in mipite exam theilou in lung buoi in aumta ua, nouten bang chi bang ngaidan na nei uoi mah? A thu hileh, alaa hileh kiching theilou, tuamabang in labu zong tuachi thou thuteng kamteng kibang theilou ahiman in mite hichi banga, akhantou lai un ei bang chi ihia, chi na geel kha ngai uoi? Koite khut ngah ihi ua? Sunday School exam kitawm thei ichi uh pen Bible zahdan, kamteng kibah lou zieh himai thei in ka geel a nuoikietna lienpi in zong ka thei a, tami hi mi tuom ten lah hing bawlsah lou ding ua, geeldan, ngaidan hamsa in ka koi hi. Tua izah King James Bible pen bang tan vei khawl a, bang chih chienga muthei, neithei kia ding ihi uh mah? Tam tan ah hunsah phot vai. Genkhieel aum leh ngaidam Bible kibang nei thei leh zang thei dingin Mangpa'n hing mapui.tahen.....

gamta, tuophahteng nesuh gawp Khristian gingu te'n Pasian patawina pe theilou hi. Tambangte'n Hattuum sunga ma ang kai chiengun Pasian thupina tang zoulou hi. Pasian min suminse zawsop uhi. India nampa M. K. Gandhi in Muoltunga Jesu thugente hoi sa mama hi. Hinanleh Khristiante umdan amu chiengin huot huoi sa hi. Hattuum sungah khat leh khat akisuh hat tuo khu a poimaw khat ahi kia hi. Kihanthawwna khu i tawsap uh lienpen khat hi in ka thei hi. Mi a dinga guolzawl na hisawm ding ahi. Ling leh khau a pan lou ding ahi. Kidemna, kigensietnate aum chiengin Hattuum sung hat theilouin chidam theilou hi.

A t a w p n a a h ,
“Hosanna”(Hebrai),
haam in “tuin hundam in”
china ahi. I Mangpa Jesu
pen mihingte akhelna ua
pat sawpsieng ding leh

hundam dinga hing pei ahi
chi itheia, ahi ding mawng
ahi. Tuachin temple sungah
ut in, Biehinn susiengin,
damloute damsah in ava
hundam hi. Nang le kei
zong tahsa leh hagau
a saltangte suotatna pe
ding leh hundam dingin
Mangpa'n ang tulmaw
hi. Tuaziehin sunglama
kisuh hat mai apaimaw sia,
polama a luondoh ding ahi.
Luongdohlou hinkhuo pen
ashi ahi. Tui luongdohlou
ki chi pen uui in namsie
hi. Silpieh a panlahna,
eima tahsa ngel kuondoh
ngapna ing nei chiengin
Hattuum hing khangin
hing hal van Pasian in
thupina leh loupina hing
tang ta va. I Mangpan
tamni a patawi a aum
banga i umdan, gamtat leh
i nichin hinkhuoa Aman
lalna leh thupina atan zing
ding khu sil poimaw pen
khat ahi. Tua khu ahi Palm
Sunday umzie. Mangpa'n
athu guolzawl ta hen!

KHAMTHEI (DRUGS & ZU) ZUOH KHU MANGPA SAMSIET TANNA AHI!!

-Rev. Hangpi Manlun

i) Thupatna. Tulai igam adiehin in i Lamka khopi sung a khamthei guithe i a nasatahin asietgopna tungtang ah nute panlahna chi tuomtuomte imu in patat aum mama uhi. I tenna Lamka khopi leh akim apam ah khantouna tuomtuom a ikhantou lai un, sil dahuo i umtah khat ahileh, zu, drugs leh suolna chituomtuomte in jong ikhangtou un iminhang mama uhi. Tualeh khamthei addict bang za aum diai? Thamlouin, khamthei zuoh a nehsui bang za aum mai diai? chite ingaituo masa ding uhi. Tualeh, Rehabilitation centre (inn) tamtah jong Biehinn za phiel phatoumai in veng chinteng ah mu ding aumta hi. Khumi mun a kikhunjoute ahileh mineijou domte ahi ua, tualoute ahileh kholai a guh ding sui a inn-le-lou taisan phiel a hing vah jong tam tah a umta hi. I kiletsahpi mama uh Lamka khopi sung ah drugs addicts, guta leh AID/HIV bangzata aum ta mai diai chite ingaituo leh idin mun uh chiengtah in akimupaillet mai hi.

Thamlouin, nichin phielin khamthei jieh a shina tuoh tamtah ivui ua, atangpi in mishite i et leh kum 15-30 tan atamjo thamte ahita a, tambang aiteitou jel leh khang kitasam ding in i umta uhi. Nu-le-paten, ata ittah tahte un atechieng ua amaute vah ding leh enkawl ding leh vui ding bang a alametna aneilai un puteh, pitehten ita dong lailaite ahunlou a sun ngaita hi. Tuaban

ah, nu-le-pa tamtah beidong in gen ding theilou in building inn sung ah gam manglah um bang in ihmu thei louin va gieho abang ua, bang paap khat pua ita diai chi jong itheijouta sih uhi.

Tuaban ah, hibang aiteitou jeljel mai leh pen tulai khamthei a shi tamjote khu pasal khangdong te ahi ua, nikhat ni chiengin khangdongte abei sieng chieng

2011 - Ted Kennedy tanu neisun, Kara Kennedy-Allen, khu kum 51 ahi in ashita hi.

2012 - Mary Kennedy, Robert Kennedy Jr. jinu khu ama-le-ama suicide in akikhai lum ta hi.

Tambang tengpi a innsung uh leh khanggui ua Pasian hamsietna atanna jiehu ah leh, Bible in *“A innvengte kung a dawn diing zu pete tung a gih hi,” a chi khu amau innkuon tung ah tung hi i chithei hi. Tualeh Bible in “Na tu bang na at diing” a chi khu tangtunna zong ahi diing hi (Gal.6:7).*

Tualeh nang-le-keipen koiman Pu Kennedyte khanggui asui bangin ahing sui sih maithei ua, ahin Pasian in tam leitung na damsung a na gamtat bangbang in na khanggui ah nna asem

thou ding a, thamlouin nikhat nichiang in avaihawmna masang ah i ding chiet ding uhi.

Tualeh, ithei ding uh ahileh tami Bible kigel lai in tulai a i zuoh uh khamtheite aum nai sih a, um hita leh agentel ngei ding a, agen lou vangin tua khanglaite sietpi khamtheite khu zu sangin ajau huoi jaw uhi. Tuajiehin tami Bible tang in khamthei jousie huopin, eite tung ah jong Pasian thangpaina ahing tung thei jing ahi chi imanghillou ding uhi. Bible in kei khangni khangthum a phuba lapa ka hi achi a, tulai in ahileh ikhang gen tahlouin itunga khu tu idam sung mama un i at pai mai uhi. Tuaziehin koipou pilvang in mite shitheina ding a sum-le-pai suimailouin khawsa ul in nnasem in panglei Mangpa guoljawlna imuding hi. Mangpa’n simtu zousiete hing mapui jingta hen. Amen!!!

Secretary nu nungah toh gari accident a tuoh ua, tua nungahnu a shi jieh in minsetah in President ahitheina diing lam-etna teng a mansuota hi.

1969 - Ted Kennedy Car khu tui lah a accident in numei khat in shina anatuoh law hi.

1969 - Kennedy pa, Joseph Patrick Kennedy ashi hi.

1973 - Ted Kennedy Jr in naupangnou khat ahi in cancer natna jiehin akeng na taanta hi.

1973 - Bobby Kennedy's tapa, Joe Kennedy III, khu car accident ah napang kha in numei khat azenlaw hi.

1984 - Bobby Kennedy's tapa, David Kennedy, khu khamthei overdose in anashi hi.

1997 - Michael Kennedy, Bobby Kennedy's tapa,

khu accident in ana shita hi. Ashi masangin atate enkawltu suom (rape) a ngawh in aum a, thamlouin rehabilitation ah khumin ana um hi.

1999 - John F. Kennedy Jr. aji itah mai, Carolyn Bessette khu lenna accident in anupa un ana shi uhi. Tuachin agam buppi uh in suun in amauh khang adia White house aumthei ding kinepna jong abeita hi.

* Tuaban ah, A tapa Jr. Kennedy zong laisiem leh feltah hinanleh Miami Beach ah nungah khat pawngsuol a ngaw a um in nahpitah in a minsie hi.

2008 - Ted Kennedy khu huoh cancer vei in aum hi.

2009 - Ted Kennedy in cancer natna thuoh jou louin ahinna anataan tahi.

in numeite adingin apasal ding na ngawn uh hing hamsa ding a, Bible in pasal jinei sa khat numei tampipi kitan ding achite uh ma naw hilei akilom a nasa taha pan lah ahun ta hi. Ahin, puteh khat in ahi leh tuami hun tunding kal bang na ngahla mai hi.

ii). Khamthei bawlte e dilou ahilou leh a zuohte?

Tulai in siljousie khu khamthei a jahthei hileh akilawmta mai hi. Min dam na ding leh damdoi ding a abawlte uh khu itangvalte un khamthei in ana jangta mai uhi. Nidang lai in zu khu khamthei jauhuoipen ahilai in, tulai in zu sang a jau huojaw atamta a, zupen anaupa uh asuohta hi. Etsahna dingindendrite, RP, No.4, Kani/Bing, kanja leh adang tamta aumta hi. Akhenten ahileh tamte khu mite sietna leh shitheina tuntu ahi chi thei nasasa in, i alei ah ichingun, jong izuoh ua, tuachin mita, minau ittahtahte ahunlouin shina han muol ah isawllut uhi. *“Nangin sum-le-pai neu khat na dei jieh a*

mita minau shi hunlou a nashi sah leh nang khamthei zuoh nu/pa khu amaute thattu na hijiehin nikhatni chieng in Pasian masang ah vaihawmna ah na ding ding a, thamlouin tam leitung hinkhuo mama ah jong Pasian thangpaina nang leh na innsung ah ahing tung ngeingei lai ding hi. Khamthei guithe i a nalaam na building sung ah nangma tanu/ tapate ahunlouin ashi ding ua, na gou lua ding umlouin gamdai gamgaw a teng na bangthou ding hi.

Tualeh, itheichiet uh, i Zogam film minthang mama *Ngai anglai*, a anungahnu pa in innsung siemna ding leh sumle-pai deina jieh a No.4, ana zuoh (bawl) leh agintatlou leh lametloui in atanu na kikap in ahunloupia a, ashi chiengin pillaw pan a kikhel lelta hi. Tamte khu imaban ahing hiding chi thei in tua kipatin kisiemtha ni. Mita minau ittahte shina ding a No.4, petu khu atheilou kalin ama tanu tung ah apaap ang tung thouthou hi.

Tuabanah, khamthei neh-leh-kikapte adihlou guolguol un a zuohte khu abulpantu ahijiehun anete imo sah ua isoisah bang un ajuohte jong nasatah a etkai, abeitheina ding a panlah ahunta hi. Tualeh mi khen khatte gen dan in khamthei himhim akidou jou phot leh khamthei man tam deudeu chi pan nalapawl jong aum uhi. Tuajiehin ane/ akikapte sangin azuohte akhiel jaw ua tuabangte isuh beilou leh khamthei ne bei ngailou ding china ahi.

iii). Zu (Khamthei) zuoh khu Pasian hamsiet tanna ahi: Khawvel khangthu ah mitam tah zu leh khamthei zuoh jieh a hamsietna a innsung a tuoh tamtah na umta uhi. Ahin tutung in ahileh US gam a innkuon thupitah mai pu Kennedyte innsung a Pasian thangpaina-leh-hamsiet atun dan i sut ding uhi. Atomkimin, zu a zuoh jieh un Pasian hamsietna huoisetah a innsung uah khangtamtah a tung hi. Abul ahileh, Apu uh Joseph Kennedy in President Roosevelt

phalna in Scotland apat USA ah zu lalut in azuoh a, tuachin ang hausata mama hi. Ahin, a innkuon un Pasian deilou nnasem ahiman un, ama-le- atate tung ah lawsapna chituomtuom a tungtou peh hi. Tambang in atun dan akisui hi. Tualeh akhang gui uh khu kum 1941 akipat in 2000' tan akisuina ah tambang in hamsietna ana tuoh tou peh uhi:

1941 – Kennedyte innsung a papen uh, Joe, tanu tahpen Rose Mary Kennedy khu alungsim lam hoilouna jiehin operation (atin) aum hi. Ahin Rose Mary, khu aki-at jou nuo kum giet nuo in jong aphatuom tahtah sih hi.

1944 – Tualeh pu Kennedy te innsung ata tah/ upapen uh Joseph Patrick Kennedy Jr. khu apa in politics sai ding in adeisah mama mai khu jong lenna ah

pohjah in ashita hi.

* Tualeh, Ted Kennedy, khu laisiem leh feltah ahia, USA President hidiing lunggul gige hinapi in tangzoulou in a tawpsanta hi. John Kennedy zong USA President hidiing nahpitah in ana tum a, hinanleh tangtun masang in a shita hi.

1948 - Kathleen Kennedy, Johna F. Kennedy sanggam nu jong apasal ittah Cavendish Marques toh akiten jou kumli in lenna ah accident in ashita hi.

1961 - Joe Kennedy Sr. in stroke natna nasatah anei hi. Tuachin atop in stroke jiehin a jeng a hamtheilou in aumta hi.

1963 - Jackie leh John F. Kennedyte tapa masapen apien tung in ashi hi. Tuaban ah ata nina uh Patrick

Bouvier Kennedy jong kumni (2) aphahin ashi kiata hi

1963 – John F. Kennedy khu USA President 35th na in hun khatsung ang pang hi. A hun nina ah zong mipite'n deimama uh hinapi in November 23, 1963 in Texas khopi ah migilou Lee Harvey Oswald kichipa khun ana kaplumta a athupina teng ataisanta hi.

1968 - Robert “Bobby” Kennedy khu USA President ding in Primary Election a teelching ahia, teelching tahtah ahimasang campaign abawllaitah in kaplup in a um kia taleuleu hi.

* Tualeh, Edward Kennedy khu USA House a Senator khat ahia, President dinmun lunggul tawntung khat ahi hi. Hinanlezhong a m a p e r s o n a l